

GIPUZKOAKO EMAITZAK AZTERGAI

Gipuzkoako herri batzuen emaitzak

Axun Erzibengoa | DONOSTIA

Gipuzkoako lurraldean gehien-goak abertzalea izaten jarraitzen du aurreko hauteskunde autonomikoetan lorturiko emaitzekin konparatuz gero, baina gehiengoaren kolorea aldatu dela esan daiteke. 1998ko hauteskundeetan EH izan zen boto gehien lortu zituen taldea Gipuzkoan, 103.057 bozekin. Orduan jada EAJren eta EAren emaitzak batuz gero EHrenak baino hobeak ziren, baina igandean EAJ-EA koalizioak asko hobetu zuen emaitza hori, EHren kaltetan. EAJ-EAk, %38,6 boto gehiago lortu ditu Gipuzkoan, 201.734 boto eskuratuz. EHk, aldiz nabarmen egin du behera, 69.286 botorekin geratuz, eta PP eta PSE-EE aurretik jarri zaizkio alderdi horri Gipuzkoan.

EAJ-EAren garaipena eta EHren beherakada erabat lotuta daude Gipuzkoan. EH ia toki guztietan jaitsi da, eta era berean koalizioa igo egin da. Baina askotan EAJ-EAren gorakada ez da soilik EHk galdutako botoekin osatzen, abstentzioari kendutako gehiena ere EAJ-EAk jaso duela esan daiteke. Datuak adibide gisa hartuta, 1998an herri askotan EH izan zen garaile: Gipuzkoako 88 udalerrietatik 57tan lortu zuen irabaztea EHk. Horietatik 32 herritan EAJ eta EAren botoak batuta ere, EHk haiek baino boto gehiago zituen orduan. Igandean, berriz, EHk soilik Gipuzkoako lau herritan eutsi dio garaipenari: Baliarrain, Belauntza, Lizartza eta Orexan. EHk gehiengo galdu duen tokien artean hainbat herri garrantzitsu daude, hala nola, Tolosa, Hernani, Astigarraga, Oiartzun, Usurbil, Andoain edo Arrasate.

PP, PSE-EE eta EB-IU ere gora

Baina ez da EH bakarrik izan EAJ-EA koalizioaren emaitzekin kaltetua atera dena. PSE-EEK Gipuzkoan herri gutxi batzutan eusten zion gehiengoari 1999ko udal hauteskundeetan emaitzak kontuan hartuz gero: Irun, Errenteria, Eibar eta Lasarten. Oraingoan soilik Lasarten irabazi du PSE-EEK, eta gainerakoetan EAJ-EA izan da garaile. Beraz EAJ-EAk Gipuzkoako 88 udalerrietatik 83tan irabazi du. Hala ere bai PSE-EE, bai PP eta baita EB-IU ere igo egin dira Gipuzkoan 1998ko hauteskundeekin alderatuz. Ez da igoera oso handia, baina PPren kasuan batez ere, herri batzuetan garrantzia hartzen hasi da.

Eskualdeka ere, EH izan ezik, gainerakoek gorakada ikusten da. PPren igoera nabarmenagoa da Donostialdean, eta EB-IUrena, berri, Deba-Urolan.

Errenteria	Hernani	Lasarte-Oria	Lizartza	Oiartzun
1998 2001	1998 2001	1998 2001	1998 2001	1998 2001
EAJ-EA 4.929 8.148	EAJ-EA 2.828 4.366	EAJ-EA 2.323 3.435	EAJ-EA 135 187	EAJ-EA 2.001 2.914
PP 3.619 4.602	PP 1.094 1.456	PP 1.870 2.404	PP 19 16	PP 380 399
PSE-EE 6.123 6.357	PSE-EE 1.657 1.806	PSE-EE 3.476 3.923	PSE-EE 1 5	PSE-EE 200 313
EH 5.873 3.786	EH 4.633 3.402	EH 2.083 1.369	EH 270 230	EH 2.719 2.120
IU-EB 1.517 1.661	IU-EB 518 672	IU-EB 561 656	IU-EB 1 1	IU-EB 141 214

Eibar	Deba	Arrasate
1998 2001	1998 2001	1998 2001
EAJ-EA 6.382 8.499	EAJ-EA 1.618 2.230	EAJ-EA 4.824 6.621
PP 3.326 3.883	PP 231 288	PP 1.849 2.270
PSE-EE 4.044 4.149	PSE-EE 230 236	PSE-EE 2.500 2.613
EH 3.379 2.013	EH 869 625	EH 4.262 2.787
IU-EB 760 870	IU-EB 112 150	IU-EB 955 1.159



Gipuzkoako emaitzak urtez urte

	2001	1998		Aldea 1998-01		2000		Aldea 2000-01
EAJ-EA	201.716	145.678	↑ +38,46	+56.038		135.308	↑ +49,07	+66.408
PP	81.752	67.632	↑ +20,8	+14.120		79.696	↑ +2,5	+2.056
PSE-EE	73.063	65.548	↑ +11,46	+7.515		76.731	↓ +4,78	-3.668
EH	69.249	103.057	↓ -32,8	-33.808		-	-	-
EB-IU	23.547	18.744	↑ +25,62	+4.803		15.107	↑ +55,8	+8.440

J. APEZTEGIA


EAJ-EA jaun eta jabe izan da Gipuzkoan ia herri guztietan

88 udalerrietatik 83tan lortu du garaipena koalizio abertzaleak

Alderdi espainiarrak oso atzean utzita

Donostiako emaitzak ez dira salbuespena izan Gipuzkoako emaitzak ikusiz, eta hemen ere, EAJ eta EA alderdiek osatutako koalizioa izan da garaile. Alderdi abertzaleek duela urte asko galdu zuten lehen toki hori Gipuzkoako hiriburuan, eta azken hauteskundeetan PPk lortu du igoe-rarik handiena, eta baita lehenengo tokia ere hauteskunde autonomiko edo orokorretan, batez ere.

Udal hauteskundeetan, berriz, PSE-EEK eutsi izan dio lidergoari Odon Elorza hautagaiarekin. Esate baterako 1998ko hauteskundeetan PPk 27.360 boto eskuratu zituen. EAJ eta EAK lortutako botoak batuz gero 33.361 liriteke, EHrenak 20.496, PSE-EErenak 18.054 eta EB-IUrenak 5.745.



Igandean, alderdi espainiarrak aurreko autonomikoetan baino boto gehiago eskuratu zituzten, baina hala ere, EAJ-EA koalizioak lortu zuen igoe-rarik garrantzitsuena 46.243 boto eskuratuta. Oso urrun geratu dira PP, 32.045 botorekin, eta PSE-EE, 21.902 botorekin. EHk ia 8.000 boto galdu ditu eta EB-IUk, botoen

%30.4ko igoera izan du, 7.496 boto eskuratu baititu.

EAJ-EAren kasuan aipagarria da bi alderdi horiek jada bat eginik aurkeztu zirela 1999ko udal hauteskundeetan. Orduan 23.003 boto lortu zituzten, igandean lortutakoen erdia baino ez. Aspaldiko partez Donostian abertzaleen aldeko botoa izan da nagusi.

ARRASATE. EH irabazle izan ohi da herri honetan, baina EAJren eta EAren botoak batuz gero 1998an ere, igandean gertatu zen bezala alderdi horiek liriteke garaile. Orduan 4.824 boto batzen zituzten eta igandean 6.621 lortu zituzten.

DEBA. EAJ edo EA irabazle diren herrietan gertatu den moduan, Deban ere koalizioak bi alderdien emaitzak batu ez ezik hobetu egin dituzte. Duela hiru urteko 1.618 botoetatik, 2.230era igaro dira.

ERRETERIA. EAJ-EA koalizioak irabazi du oso emaitza onak lortuta. PSE-EEK irabazi izan du azken 18 urteotan, eta EH izan du segidan nahikoa hurbil, baina, igandean alde handiz irabazi zuen EAJ-EAk. Duela hiru urteko emaitzak %65,3 hobetu ditu, 4.929tik 8.148ra pasatuz. PP lehen aldiz EHren aurretik geratu da.

HERNANI. EHk gehiengo absolutua lortu zuen herri horretan 1998an, baita hurrengo urteko udal hauteskundeetan ere, baina igandean EAJ-EAk hartu zion aurrea. 1998ko emaitzekin alderatuz %54,3ko igoera izan du koalizioak, eta EHk galduriko botoak jaso ditu.

LASARTE. PSE-EEK Gipuzkoan gehiengo zuen herrietatik eustea lortu duen bakarra da. EAJ-EA koalizioa hemen ere igo egin da EHren galeraren kontura, baina PSE-EE ere igoenez lehenengo tokiari eutsi dio. %12,8ko igoera izan dute sozialistek 1998ko datuekin alderatuz.

LIZARTZA. EHk herri horretan gehiengoari eustea lortu du. 1998ko hauteskundeetan ez bezala, oraingoan oso herri gutxitan lortu du garaipena EHk. Lizartzan ere behera egin du, duela hiru urteko 270 botoetatik 230era, baina lehenengo tokian jarraitzen du.

OIARTZUN. EAJ-EA koalizioa izan da garaile Oiartzunen ere, ohikoaren kontra. EHk urteak daramatza herri horretan garaile izaten eta 1998ko hauteskundeetan ere gehiengo absolutua lortu zuen. Igandean ia 600 boto gutxiago jaso zituzten, eta EAJ-EAk, berriz, duela hiru urte baino 913 boto gehiago hartu dituzte.

ZARAUTZ. Normalean EA lehenengo indarra denez, oraingoan EAJ-EA koalizioa izan da garaile. Duela hiru urteko 5.807 bototik, 7.964ra igaro dira, eta herri honetan ere EHk galera izan du, ia mila boto gutxiago eskuratuz. PP, berriz, lehen aldiz EHren aurretik geratu da.